

DE L'ÂVE...

Pairôles de P. Moine, direct.

(chu l'air de : « Jeunesse, jeunesse... »)

1. Dains not' velaidge, chu le hât de l'Aidjoûe
Les ôûeres sont foûes
È yi fait sat
S'è y vînt ènn' bruèe nos n'en ains que lai quoûe
Âchi ç'ât in vrai saïbbait.
Les dgens criant, ès raïlant
Des dous bouts di v'laidge â moitan :
R'dyîndyat :
De l'âve, de l'âve,
È n' fait pus bon dains c' païyis
De l'âve, de l'âve,
Nos v'lans tus v'ni égréyis,
An n'se s'rait piep' réchâvaie les pies
Poidé, poidé, ç'ât ènn 'pidie,
De l'âve, de l'âve
Ou nos v'lans tus pâ'r l'ètpie.
2. Le mairtchaind d' vîn n' sèrait pus baptaiyie,
Âchi è crie
C'ment in yeutcherat
È nos en fât, qu'èll' venieuch dâs lai Tnie,
Dâs Couédgmaîtche ou dâs l' Poilera,
Lai véye Djann', lai Mayann,
Mairmeujant encoé pus qu' les hann'.
3. An âv' dains l' temps, tiaînd Moïs' n'était p' rétche,
È friè lai roétche,
De son bâton.
Nos sont allès trovaie les dgens d'Couédgmaîtche,
Qu'aint pus d'âve que d' dévôtion.
L'syndicat, c'ment l' Creugenat,
De botaie feûs ât bîntôt prât.
Derie r'dyîndyat :
De l'âve, de l'âve,
Vos en v'lèz aivoi piein l' païyis
De l'âve, de l'âve,
Vos v'lèz tus étr' rétenis.
Vos se v'lèz poyait laivaie les pies
È y'en veut aivoi poi d'vaint, poi d'rie
De l'âve, de l'âve,
Vos n' richquèz pus d' pâ'r l'ètpie.

R'graiyenè en octôbre 2020/Denis Frund

